



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Supplementband und Schluß des ganzen Werkes bis auf die Register

Riedel, Adolph Friedrich

Berlin, 1865

CLVII. Kurfürst Albrecht belehnt Bartholomäus Schum mit Lichtenrade,
Buckow [et]c., am 16. März 1475.

Nutzungsbedingungen

[urn:nbn:de:hbz:466:1-55834](https://nbn-resolving.org/urn:nbn:de:hbz:466:1-55834)

CLVII. Kurfürst Albrecht belehnt Bartholomäus Schum mit Lichtenrade, Buckow etc., am 16. März 1475.

Wir Albrecht etc., Bekennen, — das wir vnserm lieben getrewen Bartholomeus Schum, Burger jn vnser Stat Coln an der Sprew, — gelyhen haben — zum ersten das dorff Lichtenrode, mit dem obersten vnd nydersten gericht, mit dem kirchlehen, den dinst, mit den rentten, Pechten, Zinzen, zehenden, rauchhunern, vffart vnd affart vnd gantzlich mit allem recht, nichts nicht aufgenohmen, In felde vnd jn dorff. Item das dorff Buckow mit dem obersten vnd nydersten gericht, das kirchlehen, den dinst, zehenden vnd rauchhuner, vffart vnd affart, vnd vff disse nachgeschriben hof vnd huben zinz, Nemlich der Schulte hat funff frey hufen, davon gibt er ein schock vnd zweintzig groschen, dar ab gehorn den Mönchen zcu Coln virzig groschen vf Thews Gereken hof vnd dryen huben, vf iglich hufen XXV schilling pfenning, zehent vnd ein rouchhun, vffart vnd affart, vff lyzen hof vnd vir hufen, vff itzlich hufen XXV schilling pfenning, davon gehorn den Monchen ein schock vnd XX groschen, zehent vnd ein rouchhun, vffart vnd affart, vff Hans Tempelhofen hof vffart vnd vff desz Mollners hof syben huner, den zehen, vffart vnd affart, vf laurentz hof vnd vir huben anderhalb schock zcu zinz, vffart vnd affart, vf Mer- tein Bredereyken hof vnd vir hufen, vf iglich hufen XXV schilling pfenning, zehent vnd ein rauchhun, vffart vnd affart, vf wekers hof vnd funf huben den dinst, vffart vnd affart, vf Pawel Breiderecken hof vnd zweien huben, itzliche hufe XXV schilling pfenninge, zehent vnd ein rauch- hun, vffart vnd affart; vf dem krug vnd zweien hufen, ein huf gibt XXV schilling, die ander hufe gibt XVI schilling vnd krug zinz ein schock vnd XV groschen, dy koffette an dy Stege gibt Sechs huner, zehent, vffart vnd affart; vf Nicklas koffaten hof ein hun, zehent, vffart vnd affart, vf plugmeisters hof vffart vnd affart vnd den dinst, vf Smekens hof vnd zweien hufen XVI schilling pfenninge, vffart vnd affart vnd den dinst, vf Michel Tempelhouen hof vnd dryen hufen, vf igliche hufe XXV schilling pfenninge, zehent vnd ein rauchhun, vffart vnd affart; dye wint- mole gibt vir scheffel mels. Im dorff zu Rudow zwen frey hofe, dorzu gehören zwelf hufen, der hufen zwu zcu einem koffaten hof gelegen sind, mit allem rechten, ein frey Schefferey zcu den beyden hofen vnd zwelf hufen, rent, pechte, zinz, zehenden, rauchhunren, vffart vnd affart vnd das oberste vnd nyderste gerichte binnen den zewnen, den dinst vnd noch vf ein hof vnd dryen hufen newn scheffel roggen, XVIII scheffel habern vnd XVIII groschen, den dinst, zehenden vnd ein rauchhun, vffart vnd affart, vf dem krug funf groschen vnd II pfenning zinz vnd vf drien koffa- ten hofe dry schilling pfenning, zehent vnd rouchhun, vffart vnd affart. In dem dorff zu Stig- litz acht stucken gelts mynder ein virteil, zehent vnd rauchhun; vf funf hofe jn die Stat Tel- tow zwei hufen, die geben XVIII scheffel roggen, XVIII scheffel habern vnd sechs groschen. Im dorff zu kare acht hufen, dy geben zwen wispell roggen vnd ein wispel gersten vnd zwen win- pel habern, XXXII groschen, zehen vnd rauchhun vff dry hofe vnd leyhen jn die etc. — Actum am donrstag nach dem Sontag Judica, zcu Coln an der Sprew, jm LXXXV. Jar.

Nach dem Churmärk. Lehnscopialbuche C. M. XXVI, 185.